



**ՀԱՐԿԱԴԻՐ ԿԱՏԱՐՈՒՄՆ ԱՊԱՀՈՎՈՂ ԾԱՌԱՅՈՒԹՅՈՒՆ
ՍՅՈՒՆԻՔԻ ՄԱՐԶԱՅԻՆ ԲԱԺՆԻ ՍԻՍԻԱՆԻ ՏԱՐԱԾԱՇՐՋԱՆԻ ԲԱԺԱՆՄՈՒՆՔ**

ք. Սիսիան, Ադամյան 35, հեռ. 060-713-573

Էլ. փոստ sisian@harkadir.am

Ե - 472 - 09/01

«25» ապրիլ 2023թ.

ԱՐՈՒՍՅԱԿ ՀՈՎՍԵՓՅԱՆԻՆ

/Ք. ՍԻՍԻԱՆ, Փ. ՈՐՈՏԱՆ 6/13/

«ՎՏԲ-ՀԱՅԱՍՏԱՆ ԲԱՆԿ» ՓԲԸ-ԻՆ

/Ք. ԵՐԵՎԱՆ, ՄՈՍԿՈՎՅԱՆ 35/

«ԱՐԴՇԻՆԲԱՆԿ» ՓԲԸ-ԻՆ

/Ք. ԵՐԵՎԱՆ, Գ. ԼՈՒՍԱՎՈՐՁԻ 13/

«ՅՈՒՆԻԲԱՆԿ» ԲԲԸ-ԻՆ

/Ք. ԵՐԵՎԱՆ, ՉԱՐԵՆՑԻ 12-53/

Կից Ձեզ է ուղարկվում թիվ 05780834, թիվ 06948707, թիվ 08761501 և թիվ 10184577 կատարողական վարույթները կասեցնելու մասին «25» ապրիլի 2023թ.-ի որոշումը:

Միաժամանակ հայտնում ենք, որ համաձայն «Սնանկության մասին» ՀՀ օրենքի 6-րդ հոդվածի 2-րդ մասի՝ Դուք կարող եք պարտապանին սնանկ ճանաչելու վերաբերյալ դիմում ներկայացնել դատարան: Ձեր կողմից սնանկության դիմում ներկայացնելու դեպքում անհրաժեշտ է կատարողական վարույթները չվերսկսելու դիմումով այդ մասին տեղեկացնել Հարկադիր կատարումն ապահովող ծառայությանը՝ կցելով սնանկության դիմումը դատարան ներկայացված լինելու վերաբերյալ ապացույց:

Կատարողական վարույթները կասեցնելու մասին որոշման կայացման օրվանից սկսած 90 օրյա ժամկետում Ձեր կամ այլ անձանց կողմից դատարանին պարտապանի սնանկության


դիմում չներկայացնելու դեպքում կատարողական վարույթները կվերսկսվի և կատարողական գործողությունները կշարունակվեն, բացառությամբ եթե նշված ժամկետում Հարկադիր կատարումն ապահովող ծառայությունը ստանա միևնույն պարտապանի գույքի բռնագանձման վերաբերյալ նոր կատարողական թերթ և հարուցվի նոր կատարողական վարույթ: Այդ դեպքում նոր կատարողական վարույթը ևս կկասեցվի 90 օրյա ժամկետով և Ձեր մասնակցությամբ կատարողական վարույթը չի վերսկսվի, քանի դեռ նշված նոր կատարողական վարույթը կասեցված կլինի:

Անկախ վերոգրյալից՝ կատարողական վարույթները ցանկացած պահի կարող է վերսկսվել և կարճվել, եթե առկա լինի «Դատական ակտերի հարկադիր կատարման մասին» ՀՀ օրենքի 42 հոդվածով նախատեսված հիմքերը: Կատարողական վարույթները կվերսկսվի նաև այն դեպքում, եթե վերանա կասեցման հիմք հանդիսացած՝ պարտապանի սնանկության հատկանիշները:

Ձեր մասնակցությամբ կատարողական վարույթները կասեցնելու մասին որոշումը, ինչպես նաև «Դատական ակտերի հարկադիր կատարման մասին» ՀՀ օրենքի 37 հոդվածի 8-րդ կետի հիմքով կատարողական վարույթներն 90 օրյա ժամկետով կասեցնելու մասին բոլոր որոշումները հրապարակվում են www.azdarar.am կայքում:

**ԲԱԺԱՆՄՈՒՆՔԻ ՊԵՏ
ԱՐԴԱՐԱԴԱՏՈՒԹՅԱՆ ՓՈԽԳՆԴԱՊԵՏ**

Կարարող՝ Հայկ Թանգյան
Սյունիքի մարզային բաժնի ավագ հարկադիր կարարող
Հեռ.՝ 060173574



Հ. ՊԵՏՐՈՍՅԱՆ

Ո Ր Ո Շ ՈՒ Մ

Կատարողական վարույթը կասեցնելու մասին

«25» ապրիլ 2023թ.

ք. Սիսիան

Հարկադիր կատարումն ապահովող ծառայության Սյունիքի մարզային բաժնի Սիսիանի տարածաշրջանի բաժանմունքի ավագ հարկադիր կատարող Հայկ Թանգյանս ուսումնասիրելով 15.01.2020թ.-ին, 21.12.2020թ.-ին, 28.02.2022թ.-ին և 16.03.2023թ.-ին հարուցված թիվ 05780834, թիվ 06948707, թիվ 08761501 և թիվ 10184577 կատարողական վարույթների նյութերը՝

Պ Ա Ր Զ Ե Ց Ի

Երևան քաղաքի առաջին ատյանի ընդհանուր իրավասության դատարանի կողմից տրված թիվ ԵԴ/9006/02/19 կատարողական թերթի համաձայն պետք է Արուսյակ Կառլենի Հովսեփյանից հոգուտ «ՎՏԲ-Հայաստան բանկ» ՓԲ ընկերության բռնագանձել 1.504.797 ՀՀ դրամ և թիվ ՍԴ1/0428/02/19 կատարողական թերթի համաձայն պետք է Արուսյակ Կառլենի Հովսեփյանից հոգուտ «ՎՏԲ-Հայաստան բանկ» ՓԲ ընկերության բռնագանձել 281.312 ՀՀ դրամ և հաշվարկվող տոկոսներ:

Երևան քաղաքի առաջին ատյանի ընդհանուր իրավասության դատարանի կողմից տրված թիվ ԵԴ/1822/17/22 և ՀՀ Սյունիքի մարզի առաջին ատյանի ընդհանուր իրավասության դատարանի կողմից տրված թիվ ՍԴ1/1220/02/22 կատարողական թերթերի համաձայն պետք է Արուսյակ Կառլենի Հովսեփյանից «Յունիբանկ» ԲԲ ընկերության բռնագանձել 992.248 ՀՀ դրամ և հաշվարկվող տոկոսներ:

Երևան քաղաքի առաջին ատյանի ընդհանուր իրավասության դատարանի կողմից տրված թիվ ԵԴ/1661/17/19 կատարողական թերթի համաձայն պետք է Սյուզաննա Արմենի Հովսեփյանից հոգուտ «Արդշինբանկ» ՓԲ ընկերության բռնագանձել 1.884.287 ՀՀ դրամ և հաշվարկվող տոկոսներ: Բռնագանձումը տարածել Արուսյակ Կառլենի Հովսեփյանին սեփականության իրավունքով պատկանող և գրավի առարկա հանդիսացող՝ ՀՀ Սյունիքի մարզ, ք. Սիսիան, փ. Որոտան, բն. 6/13 հասցեում գտնվող անշարժ գույքի վրա:

21.04.2023թ.-ին «Արդշինբանկ» ՓԲ ընկերության կողմից տրված թիվ 443-4100 գրության համաձայն՝ ԵԴ/1661/17/19 կատարողական թերթով պարտապան Սյուզաննա Հովսեփյանի վարկային պարտավորության չափը թիվ ՎՊ18/6456-44 պայմանագրով կազմում է 3.653.335 ՀՀ դրամ:

Կատարողական վարույթներով վճռի հարկադիր կատարման ընթացքում պարտապան Արուսյակ Կառլենի Հովսեփյանին պատկանող ողջ գույքի վրա բռնագանձում տարածելու պարագայում պարզվել է, որ այդ գույքն օրենքով սահմանված նվազագույն աշխատավարձի վեց հազարապատիկի և ավելի չափով բավարար չէ պահանջատիրոջ հանդեպ պարտավորությունների ամբողջական կատարումն ապահովելու համար:

Վերոգրյալի հիման վրա և ղեկավարվելով «Սնանկության մասին» ՀՀ օրենքի 6-րդ հոդվածի 2-րդ մասով, «Դատական ակտերի հարկադիր կատարման մասին» ՀՀ օրենքի 28-րդ, 28.1 հոդվածի և 37-րդ հոդվածի 8-րդ կետով.

Ո Ր Ո Շ Ե Ց Ի

Կասեցնել՝ թիվ 05780834, թիվ 06948707, թիվ 08761501 և թիվ 10184577 կատարողական վարույթներն 90-օրյա ժամկետով:

Առաջարկել պահանջատիրոջը և պարտապանին նրանցից որևէ մեկի նախաձեռնությամբ 90-օրյա ժամկետում սնանկության հայց ներկայացնել դատարան:

Սույն որոշումն երկու աշխատանքային օրվա ընթացքում հրապարակել www.azdarar.am ինտերնետային կայքում:

Որոշման պատճեն ուղարկել կողմերին:

Որոշումը կարող է բողոքարկվել ՀՀ Վարչական դատարանի կամ վերադատության կարգով, որոշումը ստանալու օրվանից հետո երկամսյա ժամկետում:

ԱՎԱԳ ՀԱՐԿԱԴԻՐ ԿԱՏԱՐՈՂ՝



ՀԱՅԿ ԹԱՆԳՅԱՆ